



**14.^a EDICIÓN DOS PREMIOS DA UNIVERSIDADE DA CORUÑA
Á EXCELENCIA ACADÉMICA NO BACHARELATO
CURSO 2018/2019**

1. Obxecto dos premios

O obxecto desta convocatoria é recoñecer o esforzo e a dedicación do alumnado que alcanzase uns resultados académicos excelentes nos seus estudos de bacharelato, premiando aqueles que teñan a mellor nota de admisión á universidade e que formalicen a súa matrícula en calquera das titulacións oficiais que se imparten nos centros propios da Universidade da Coruña (UDC) no curso académico 2018/2019.

2. Condicións das persoas solicitantes

Poderán solicitar a súa participación nos Premios da Universidade da Coruña á Excelencia Académica no Bacharelato todos aqueles estudantes que cumpran os seguintes requisitos:

- a) Ter finalizado os estudos de bacharelato, no curso académico 2017/2018, en calquera dos centros educativos recoñecidos pola administración educativa no territorio nacional.
- b) Ter obtido unha nota de admisión á universidade igual ou superior a 9,00. Non se terán en consideración aquelas solicitudes cunha media inferior á sinalada.
- c) Terse matriculado por primeira vez no curso académico 2018/2019 en calquera das titulacións oficiais impartidas nos centros propios da UDC.

3. Forma, prazo e lugar de presentación das solicitudes

Os solicitantes deberán presentar a seguinte documentación:

- a) Solicitude en que consten os seus datos persoais, segundo o modelo que se xunta a esta convocatoria.
- b) Fotocopia do DNI.

O prazo de presentación de solicitudes contará **desde o día seguinte á publicación desta convocatoria** no Taboleiro Electrónico Oficial da UDC ata o día 10 de outubro de 2018, ás 14:00 horas. As solicitudes presentaranse nos rexistros desta universidade, dirixidas ao SAPE, nas seguintes localizacións:

- a) Rexistro Xeral: Reitoría, rúa da Maestranza 9, baixo, 15001 A Coruña.
- b) Rexistro Auxiliar: Campus A Zapateira - Facultade de Ciencias, baixo, 15071 A Coruña.
- c) Rexistro Auxiliar de Ferrol: Edificio de Apoio ao Estudo, baixo, 15403 Ferrol.

4. Procedemento e criterios para a concesión dos premios

Unha vez rematado o prazo de presentación de solicitudes, a Vicerreitoría de Estudantes, Participación e Extensión Universitaria procederá a convocar o xurado dos premios, que comprobará se as persoas solicitantes cumpren os requisitos establecidos no apartado 2 desta convocatoria.

Feito isto, publicaranse no Taboleiro Electrónico Oficial da UDC as relacións provisionais de persoas admitidas e excluídas, estas últimas xunto coa causa que implica a súa exclusión. As persoas interesadas disporán dun prazo de cinco días hábiles para achegaren a documentación que permita emendar os erros detectados.



A seguir, o xurado avaliará as solicitudes. Concederase un máximo dun premio por titulación e programa simultáneo, que se outorgará ao/a estudante que teña a mellor nota de admisión na universidade, de entre todos os que no curso académico 2018/2019 se matriculen por primeira vez na UDC nunha titulación oficial dun centro propio.

No caso de empate, utilizarase como criterio dirimente a cualificación da persoa solicitante na nota de acceso (a nota media do bacharelato e da fase xeral das probas de ABAU).

O xurado presentará daquela ao Consello de Goberno unha proposta de resolución definitiva, en que poderá declarar deserto calquera dos premios. Esta resolución esgotará a vía administrativa. Contra ela poderá interpoñerse:

a) ben un recurso potestativo de reposición, no prazo dun mes, que contará desde o día seguinte á súa publicación, segundo establecen os artigos 123 e 124 da Lei 39/2015, do 1 de outubro, do procedemento administrativo común das administracións públicas;

b) ben un recurso contencioso-administrativo, no prazo de dous meses, que contarán desde o día seguinte á súa publicación, de conformidade coa Lei 29/1998, do 13 de xullo, da xurisdición contencioso-administrativa.

5. Xurado dos premios

A Comisión de Extensión Universitaria delegada do Consello de Goberno, presidida pola vicerreitora de Estudantes, Participación e Extensión Universitaria, actuará como xurado dos Premios da Universidade da Coruña á Excelencia Académica no Bacharelato. A súa composición pode consultarse na seguinte páxina web:

https://www.udc.gal/gl/goberno/organos_colexiados_e_estatutarios/consello_goberno/comisiones_estables/index.html

6. Número de premios, dotación económica e financiamento

Concederase un máximo de corenta e catro premios, un por cada titulación e programa simultáneo oficial da UDC.

Cada premio consistirá nun diploma acreditativo, expedido polo reitor da UDC, e **565€ brutos** que se aboarán mediante a entrega dun cheque bancario a nome da persoa adxudicataria. Ao devandito importe bruto seralle de aplicación o previsto no Real decreto lexislativo 3/2004, do 5 de marzo, polo que se aproba o texto refundido da Lei do imposto sobre a renda das persoas físicas.

A concesión do premio figurará no expediente académico do/a alumno/a e farase constar fidedignamente.

Estes premios financiaranse con cargo á partida orzamentaria 0300030029.422D.48002 Premios Excelencia Académica Bacharelato-Vicerreitoría de Estudantes, Participación e Extensión Universitaria.

7. Resolución de concesión e entrega dos premios

Cando o Consello de Goberno da UDC aprobe a proposta definitiva do xurado, farase pública no Taboleiro Electrónico Oficial a relación das persoas que obteñan os premios. Esta publicación será válida para os efectos previstos no artigo 45 da Lei 39/2015, do 1 de outubro, do procedemento administrativo común das administracións públicas

O acto de entrega dos premios correspondentes a esta 14.^a edición dos Premios da Universidade da Coruña á Excelencia Académica no Bacharelato terá lugar o día 28 de xaneiro de 2019, con motivo da festividade de San Tomé de Aquino, por ser tamén o Día da Universidade.



8. Efectos dos premios

A obtención de calquera dos premios a que se refire esta convocatoria non producirá máis efectos que os establecidos nela.

A Coruña, 3 de setembro de 2018

A vicerreitora de Estudantes, Participación e Extensión Universitaria

Margarita Amor López



**14.ª EDICIÓN DOS PREMIOS DA UNIVERSIDADE DA CORUÑA
À EXCELENCIA ACADÉMICA NO BACHARELATO**

CURSO ACADÉMICO 2018/2019

SOLICITUDE DE PARTICIPACIÓN

Nome e apelidos:

DNI: **Teléfono:**

Enderezo para os efectos de notificación:

.....

Poboación: **Código postal:**

Centro da UDC en que está matriculado/a:

.....

Titulación en que está matriculado/a:

.....

Nota media do expediente de bacharelato:

Cualificación nas probas de ABAU (parte voluntaria):

A Coruña/Ferrol, de de 2018

Asdo.:

DOCUMENTACIÓN QUE SE ACHEGA COA SOLICITUDE

☐ Fotocopia do DNI

SERVIZO DE ASESORAMENTO E PROMOCIÓN DO ESTUDANTE (SAPE)